

UMUNA A DOMINGO KALPASAN PANANGUNGAR

TI GIMONG AGDAYAW ITI DIOS

PRELUDIO: (agpasango dagiti agakem ken masindian dagiti candela ti altar)

**PANGLUKAT A BALIKAS:

Pangulo: Agulimek tayo ket denggen tayo ti ayab iti Apo.

Gimong: Kadagiti puso ken panunotmi Apo, agsaoka ket adda kami ditoy a mangipangag Kenka, ta ayat ken kinamaingelmo. Gutigutenna kami nga agrukbab ken agtulnog Kenka.

Amin: (makanta) **“AS WE GATHER”**

As we gather may your Spirit work within us

As we gather may we glorify your name

Knowing well that our hearts begin to worship

We'll be bless because we care (2x)

Chorus:

The steadfast love of the Lord never ceases

His mercies never come to an end

They are new every morning, new every morning Great is

Thy faithfulness

Oh Lord Great is Thy faithfulness

(Repeat All)

***AYAB TI PANAGDAYAW:

Pangulo: Datayo a nakipagungar ken Kristo aw-awisennatayo iti napudno a panagdaydayaw.

Gimong: Idaydayawtayo ni Apo Hesus Nga Apotayo, isu a nangiparang iti kinaimbag ken panagayat kadagiti tattao.

Pangulo: Inabak na ni patay tapno maikkan ti namnama dagiti amin a namati ket agtalek da iti Dios a sipupudno.

Gimong: Hosanna iti kangatoan, Agnanayon a panangidaydayaw iti sibibiag a Dios.

** KANTA TI PANAGDAYAW:

“O DIOS NAGTAN-OKKA” [how great thou art]

O Dios Apo, no innak maimatangan

aramidmo a nakaskasdaaw

Bitbituen pay inna iparangarang,

pannakabalinmo dakkel unay

Coro: Toy kararuak inna ikankanta

Nagtan-okka, nagtan-okka! {2x}

Uray idia y kabakiran mapanak,

kanta dagiti billit mangegak

Ken angin pay ti nangato a bantay,

ayos karayan natalinaay {coro}

No mapanunutko ti pannangtedmo,

anakmo natay gaput basolko.

Ket idia y krus inna amin inkaro,

kinadakesko a napalalo. {Coro}

**INBOKASYON: Elder

AYAB TI PANAGBABAWI KEN PANAGPAKAWAN:

Prov. 28: 13

Pangulo: “Pulos a dika agballigi no padasem nga ilemmeng dagiti basolmo. Ipudnom ida ken agbabawika, ket kaasiaankanto ti Dios”

Kanito na ngarud kakabsat nga umasideg tayo iti Dios para iti kabukbukodan tayo a panagkararag kas dawaten tayo ti pammakawanna kadagiti nagkurangan tayo. { *naulimek a panagkararag* }.

Balikas a Pammatalged ti Pammakawan: Pastor

Himno Pammatalged:

“Kastoyak man napnot’ babak”

Kastoyak man alawennak, Biddutko

pakawanennak,

Ti karim pangnamnamaak, Kordero ti Dios, adtoyak.

PANNAKAYALLATIW TI KAPPIA:

(Iyallatiw tayo ti kappia ken talna babaen iti

panangkanta ti Umisemka...)

KABLAAW/PAKARAGSAKAN/PAIKARARAGAN

KARARAG DAGITI TATTAO:

Wen sika ti sapsapulek, Jesus nga ay-ayatek

bendisyon mot urayek sikat ayek...”

**PANNAKAIBASA TI NASANTUAN A SURAT:

Daan a Tulag: Josue 1:9

Baro a Tulag: Marcos 16:1-4

Juan 20:24-29

Sungbat: “Mangegko ta Timek”

Coro: Umayak Kenka, Umayak Apo,

Ugasannak ti daram, ubbog ti kalbaryo.

MENSAHE TI KANTA:

MENSAHE TI BIAG:

PAMMATALGED NI TOMAS MAIPAPAN KEN JESUS: (Pangulo)

Siak ni Tomas a managan singin. Maysaak a taga Galilea. Kas kadagiti dadduma awan unay naisurat a paset ti biagko kadagiti Ebanghelio. Ngem nalatak ti naganko a Tomas ti managduadua. Ngem ibagak daytoy kadakayo maysaak a tao a positibo ken kayatko a maisigurado dagiti paspasamak iti biagko. Kayat ni Jesus ti agsubli tapno agasanna koma ni Lazaro a kabsat da Maria ken Martha gapuna ta pimmusayen, nagkedked dagiti dadduma a kakaduak nga agsubli ni Jesus sadiay. Kinunada “maestro, kasano a mapanka ket kayatdaka a papatayen babaen iti bato dagiti tatao sadiay.” Ngem kinunak “intayo tapno mairamantayo kenni maestro a matay.”. Sipipingetak nga agtulnog iti dana ni Jesus. Nakitak ti saem ken limdo, ragsak ken kinadayag, sakit ti pannakapapatay ni Jesus. Idin a nangungar ni Jesus ket ipadamagda kaniak- nakunak kadagiti kakaduak- diak pati diak kita. Ngem napalabas iti maysa a lawas nagguummong kami ket nagparang ni Jesus ket kinunana “Kitaem dagiti imak ket arikapen ti bakrangko, pukawem ti duadua ket mamatika! Naisungbatko “Apok ken Diosko” sa manen kinuna ni Jesus: Nagasat dagiti mamati nupay no didak makita (Juan 21:24-29). Natalged ti riknak ket napukaw ti pangaduadua. Nakitak ken Jesus ti kinanangayed ti Dios, kinaimnas dagiti plano ti Dios ken pannakaiparangarang ti ayat ti Dios babaen ken Jesus.

Siak ni Tomas agnagan singin no pay no mangduaduaak, inted ti Dios ti pannakaawat kaniak intuloyko aginganat adda biagko. Namartirak ken natayak babaen iti bato, pana nga inpalak-am dagiti kabusor kaniak. Sapay koma ta ikkaten ti puso a mangduadua ket agtalek laeng iti Namarsua. Amen!

PANANGIDATON TI BIAG KEN PAGYAMAN:

Pangulo: Ti maysa a kaimbagan a panagyaman ket ti pananglagip kadagiti kinasayaat iti Apo bayat ti panagbannog ken panangtaripato kadagiti kinabaknang iti aglawlaw tayo.

Gimong: Iyegmi Kenka Apo dagiti pagyaman mi kadagiti di mabubos nga ayat mo kadakami.

Pangulo: Idatag tayo ngarud dagiti pagyaman a bunga dagiti apit ken nateggedan a bendision ti Apo.

Amin: Idatag mi Kenka dagiti apagkapullo, pagyaman ken sagut mi Apo.

(panagited cadagiti pagyaman ken sagsagut)

KANTA TI PANANGIDATON: "Amin Jesus Idatonko"

****DOKSOLOHIYA**

****KARARAG TI PANANGIDATON:**

SACRAMENTO TI COMMUNION:

Awis ti Panaglak-am:

Pangulo: Kakabsat iti Dios, selebraran tayo ti naragsak a padaya dagiti buybuyot iti Apo.

Gimong: Nadumaduma dagiti lugar a naggapuanda, iti daya ken laod, amianan ken abagatan a parte ti lubong, ket makilanglang ti pagarian iti Apo.

Pangulo: Kinuna ni San Lucas, "idi ni JesusKristo ken dagiti disipolos simmangoda iti lamisaan, nangala ti tinapay, ket idi nacapagyaman pinisina ket intedna cadacuada."

Gimong: Ket nakitada, nailasinda Isuna.

Pangulo: Daytoy ti lamisaan iti Apo.

Amin: Ti Mannubbot awisenngas dagiti agtalec Kenkuana a makipaglac-am iti padaya nga insagana na.

****Balikas ti Pannakaipasdek**

Pangulo: Ti Dios adda kadakayo.

Gimong: Kasta koma met kenka.

Pangulo: Itag-ayyo dagiti puspuso.

Gimong: Itag-aymi ida iti naindaklan a trono iti Dios.

Pangulo: Ipaaytayo iti panagyaman ti nagan iti Naindaklan a Dios.

Gimong: Ipaaytayo ti panagyaman ken dayaw iti Dios.

Pannakaidaton Ti Elementos

Himno Ti Panaglak-am: "Ti Tinapay Ti Biag"

Itdem ti tinapay ti biag, Apo, A maipaay itoy kararuak, Kas pannangtedmo 'diay dennat' Baybay kadagiti tao nabisinan. Bendisionam kad' ti kinapudno, tapno isut taraonko, Apo; Ken mangpukaw ti kinadakesko, ket talna ken ragsak masarakko. Isuronak kad nga agbiag Kenka. Kas panagbiag dagiti adalam; Tapno ti sulisog pagballigiak gapu Kenka. O Mangisalakan.

Sapasap A Kararag Panagyaman

Amin: Bendito a Dios, itedmi Kenca ti panagyaman iti gundaway a nataraonan ken napabaro kami iti biag ni JesuKristo nga adda kadakami. Ibaonna kami ngarud tapno iburay mi daytoy a biag. Inkami nga addaan ti bileg iti Espiritum a mangsurot ken Jesus a mangiwaragawag kadagiti isuamin a tattao ti mensahe iti talna ken ayat. Amen.

Passing of Peace...

KANTA TI PANANGUNGAR: "BECAUSE HE LIVES"

God sent His son, they call Him Jesus; He came to love,
heal and forgive
He lived and died, to buy my pardon; an empty tomb is there
to prove my Savior lives.

CHORUS:

Because He lives I can face tomorrow; Because He lives all
fear is gone
Because I know (I know), HE holds the future;
And life is worth the living just because He lives.
How sweet to hold a new born baby; and feel the pride and
joy he gives

But greater still the calm assurance; This child can face
uncertain days because He lives...

And then one day I'll cross the river; I'll fight life's final war
with pain.

And then as death gives way to victory; I'll see the light of
glory and I'll know he reigns.

KARARAG PANAGYAMAN KEN PAMENDISION:

Sungbat: *Dikanto mauma agan-anuska,
ta ni Jesus natay gapu kenka. Koro*

Enter to Worship...We depart to Serve



**PANANGSARAK KADAGITI MANAGDUADUA
KEN MANAGBUTBUTENG
TI TEMA ITA A DOMINGO:**